



Bosnia and Herzegovina  
Federation of Bosnia and Herzegovina  
**CANTON SARAJEVO**  
Cantonal Civil Protection Administration

Broj: 01-04-1527-1/20  
Sarajevo, 07.08.2020. godine

**SKUPŠTINA KANTONA SARAJEVO**  
n/r Dr. Mirza Čelik, Predsjedavajući Skupštine  
- o v d j e -

**PREDMET:** Odgovor na zastupničko pitanje, *dostavlja se*; -

**V E Z A:**      Vaš akt broj: 01-04-27823-64/20 od 06.08.2020. godine

Dana 07.08.2020. godine Kantonalna uprava civilne zaštite Kantona Sarajevo zaprimila je od strane Skupštine Kantona Sarajevo zastupničko pitanje zastupnice Danijele Kristić sa 27. Radne sjednice Skupštine Kantona Sarajevo održane dana 28.07.2020. godine, a u okviru tačke Dnevnog reda "Poslanička/zastupnička pitanja, inicijative i odgovori", u skladu sa Poslovníkom Skupštine Kantona Sarajevo.

Zastupničko pitanje glasi:

- *Koja firma je vršila radove na oposobljavanju prostorija Građevinskog fakulteta za funkciju izolatorija?*
- *Koliko sredstava je Kanton Sarajevo uložio u opremu tj. pregrade da bi se obezbjedila funkcionalnost istog i koja firma je vršila te radove?*
- *Ko je vršio uklanjanje (rasklapanje) tih pregrada i po čijem nalogu?*
- *Gdje je ta oprema trenutno uskladištena i čija je odgovornost ukoliko dodje do oštećenja iste?*

**ODGOVOR:**

Vlada Kantona Sarajevo je na svojoj 6. vanrednoj sjednici održanoj dana 22.03.2020. godine donijela Zaključak, broj: 02-04-8741-1.20/20, kojim je u tački 1. dala saglasnost na inicijativu Ministarstva za obrazovanje, nauku i mlade, a uz saglasnost Ministarstva zdravstva Kantona Sarajevo da se dio objekta, u kojim je trenutno smješten Građevinski fakultet Univerziteta u Sarajevu, privremeno ustupi na korištenje Kliničkom centru Univerziteta u Sarajevu, za potrebe eventualnog zbrinjavanja pacijenata zaraženih koronavirusom. Nadalje, u tački 5. Zaključka



navedeno je da će Štab civilne zaštite Kantona Sarajevo u saradnji sa Vladom Kantona Sarajevo pripremiti odgovarajuće odluke i naredbe s ciljem provođenja ovog Zaključka.

Shodno tome, Štab civilne zaštite Kantona Sarajevo je dana 22.03.2020. godine donio Naredbu, broj: 08-40-423-15/20, kojom je naredio Građevinskom fakultetu Univerziteta u Sarajevu da privremeno ustupi jedan dio svojih prostorija Kliničkom centru Univerziteta u Sarajevu za potrebe eventualnog zbrinjavanja pacijenata zaraženih koronavirusom (COVID-19). Za realizaciju navedene naredbe Štab civilne zaštite Kantona Sarajevo je zadužio Ministarstvo za obrazovanje, nauku i mlade Kantona Sarajevo, Ministarstvo zdravstva Kantona Sarajevo i Građevinski fakultet Univerziteta u Sarajevu.

Dana 30.03.2020. godine Arhitektonski fakultet Univerziteta u Sarajevu, Klinički centar Univerziteta u Sarajevu i Građevinski fakultet Univerziteta u Sarajevu, su se obratili Vladi Kantona Sarajevo i Štabu civilne zaštite Kantona Sarajevo, za obezbjeđenjem uslova za normalno funkcionisanje oba fakulteta, koji bi između ostalog uključivali i uklanjanje svih novoizgrađenih pregrada za potreba izolatorija.

Nadalje, dana 19.05.2020. godine Arhitektonski fakultet Univerziteta u Sarajevu i Građevinski fakultet Univerziteta u Sarajevu se se obratili Ministarstvu obrazovanja Kantona Sarajevo, Štabu civilne zaštite Kantona Sarajevo, Univerzitetu u Sarajevu i Kliničkom centru Univerziteta u Sarajevu sa zahtjevom da se ustupljeni prostor za potrebe eventualnog zbrinjavanja pacijenata zaraženih korona virusom (COVID-19) vrati u prvobitno stanje.

Također, dana 20.05.2020. godine Senat Univerziteta u Sarajevu je donio Zaključak, broj: 01-10-4/20, kojim podržava zahtjev Arhitektonskog fakulteta Univerziteta u Sarajevu i Građevinskog fakultet Univerziteta u Sarajevu i traži da se prostorije na navedenim fakultetima, koje su zbog situacije uzrokovane pojavom korona virusa (COVID-19) preuređene za izolatorij, bez odlaganja vrate u prvobitno stanje.

Dana 28.05.2020. godine, Vlada Kantona je na svojoj 17. sjednici održanoj 28.05.2020. godine donijela Zaključak, broj: 02-04-13850-48.1/20, kojim je u tački 1. vratila dio objekta u kojima je trenutno smješten Građevinski fakultet Univerziteta u Sarajevu, dat za privremeno korištenje Kliničkog centra Univerziteta u Sarajevu za potrebe eventualnog zbrinjavanja pacijenata zaraženih koronavirusom, ustupljen na inicijativu Ministarstva za obrazovanje, nauku i mlade Kantona Sarajevo, a uz saglasnost Ministarstva zdravstva Kantona Sarajevo. Tačkom 2. navedenog Zaključka Vlada Kantona Sarajevo je zadužila Štab civilne zaštite Kantona Sarajevo da u saradnji sa Stručnom službom za zajedničke poslove Kantona Sarajevo dio navedenog objekta dat na privremeno korištenje Kliničkom centru Univerziteta u Sarajevu vrati u prvobitno stanje krajnjem korisniku, Građevinskom fakultetu Univerziteta u Sarajevu.

Dana 31.05.2020. godine, Štab civilne zaštite Kantona Sarajevo je Naredbu, broj: 08-40-423-15/20 od 22.03.2020. godine, stavio van snage Naredbom, broj: 08-40-423-15.1/20.

U skladu sa navedenim Zaključkom Vlade Kantona Sarajevo od 28.05.2020. godine, Stručna služba za zajedničke poslove Kantona Sarajevo je u saradnji sa Kantonalnom upravom civilne zaštite Kantona Sarajevo izvršila pregled objekta Građevinskog fakulteta Univerziteta u Sarajevu.

Dana 10.06.2020. godine, Stručna služba za zajedničke poslove Kantona Sarajevo je uputila dopis Građevinskom fakultetu Univerziteta u Sarajevu, broj: 17-04-13850-71/20, u kojem izražava spremnost da u roku od 24 sata otpočne sa uklanjanjem navedenih pregrada, nakon što dobije odgovor od strane Građevinskog fakulteta Univerziteta u Sarajevu da je pitanje vlasništva ugrađene stolarije i pregrada riješeno, te da ima informaciju da još uvijek nije izvršeno plaćanje fakture izvođaču radova firmi „ANS DRIVE“ d.o.o.

Shodno navedenom, ističemo da Kantonalna uprava civilne zaštite Kantona Sarajevo kao ni Štab civilne zaštite Kantona Sarajevo nisu vršili bilo kakve radove niti su proveli postupak javne



nabavke za angažovanje firme ANS DRIVE“ d.o.o. na osposobljavanju prostorija Građevinskog fakulteta Univerziteta u Sarajevu za fuknciju izolatorija, niti su vršili demontažu izolatorija, odnosno uklanjanje pregrada, te Vas molimo da se o daljnjim radnjama koje se odnose na visinu sredstava opreme tj. pregrada, uklanjanje pregrada, uskladištenje opreme i odgovornost za oštećenje iste, obratite Stručnoj službi za zajedničke poslove Kantona Sarajevo, kao i Građevinskom fakultetu Univerziteta u Sarajevu, koji Vam možda mogu dati potpunu i detaljnu informaciju.

Na kraju ističemo da je Građevinski fakultet Univerziteta u Sarajevu dana 11.06.2020. godine Stručnoj službi za zajedničke poslove Kantona Sarajevo uputio akt, broj: 01-2-869/20, kojim urgira da se ustupljeni prostori za potrebe izolatorija bez odlaganja vrate u prvobitno stanje, kako bi Građevinski fakultet nastavio izvršavati svoju osnovnu djelatnost.

S poštovanjem,

**Dostavljeno:**

- Naslovu
- a/a



